

DISSERTATIONEM JURIDICAM  
INAVGVRALEM

DE

# SALVO CONDVCTV

RECTORE MAGNIFICENTISSIMO  
SERENISSIMO PRINCIPE AC DOMINO,

DOMINO

**GVILIELMO HENRICO,**

DVCE SAXONIÆ, IVLIACI, CLIVIÆ, MONTIVM,  
ANGARIÆ WESTPHALIÆQVE ET RELIQV.

IN ACADEMIA IENENSI

INCLYTÆ FACVLTATIS JURIDICÆ CONSENSV

PRÆSIDE

**GVILIELMO HIERONYMO  
BRVCKNERO**

ANTECESSORE IENENSI,

AD DIEM DECEMB. M D CC XII.

PRO SYMMIS IN VTROQVE JURE HONORIBVS  
CONSEQVENDIS

PVBLCO ERVDITORVM EXAMINI  
SVBJICIT

**JOHANNES DAVID FREISLEBEN**  
SYNDICVS EISENBERGENSIS.

JENÆ, LITTERIS MVLLERIANIS.





J. N. J.

## PRÆFATIO.

**M**editanti mihi, exantlatis Examini-  
bus, in quam e variis  
juris nostri materiis ingenii  
mei vires, utut tenuissimas,  
exercerem, obtulit sese tan-  
dem hæc de SALVO CON-  
DUCTU. Ansam ad istam eli-  
gendam præbuit, cum ea conditio, in qua per  
aliquot annos studium Præcticum colui, tum  
Doctorum plurimorum opinio, quod scilicet  
Præcticæ Materiæ Theoreticis multis parafangis  
sit nobiliores, adeoque potissimum addiscen-  
dæ, quippe theoriam sine praxi digestam solidam  
juris cognitionem præstare non posse, imò maxi-  
me periculosam & mancā esse testatur *Arina*  
*Pinck. in l. 2. C. de rescind. vendit. part. 2. cap. 4.*

A

num. 2.

**NUM. 2.** Practica enim est vera Legum & Canonum enucleatrix, optimaque rerum Magistra, & dicit Damhouderus in compendiosa sua subhastationum exegeſi *cap. 1.* Theoriam ſine Practica i. e. ſcientiam ſine experientia parvi admodum eſſe momenti: Magnum equidem de hac materia, quamvis ea ſatis ampla & luxurioſa ſit, nemo expectabit tractatum, ſed ea tantummodo, quæ brevitatſ ſtudio conſcripta & in Praxi quotidie neceſſaria habentur: Hinc ſupplex veneror Deum T. O. M. ut hæc primitias jubeat eſſe Reipublicæ utiles.

Th. I.

**M**onet lex 1. *in pr. ff. de Juſt. & Jur.* juri operam daturum prius noſſe oportere, unde nomen deſcendat, cum verba rerum ſint notæ & propter res inventa *L. Labeo 7. §. 2. ff. de ſuppellect. Legat. L. ille aut ille 25. §. 1. ff. de legat. 3.* Nos tamen impræſentiarum operam hanc remittimus, præſertim cum certum ſit, quod Salvus Conductus minus redolet latinitatē priſcam eamque accuratam. Et quis negat, quod J<sup>C</sup>i hoc habeant ſolenne

ac

ac antiquum, res ipsas potius exprimere, quam verborum elegantiam solícite venari, quia semper magis rem ipsam quam verba spectamus; & potior est tractatio rerum.

## Th. II.

Hinc & sequentes appellationes indicant ex re illas etiam esse desumptas, & Salvo Conductui correspondere: nimirum vocatur LIBER COMMEATVS *Pruckm. ad §. Soluta potestas; tract. de Regal. membr. 2. cap. 4. effect. 5. num. 1.* LIBER ACCESSVS, sub quo etiam discessus continetur, ASSECVRANTIA *Petrus Premus de Securitatis promiss. in prefat.* FIDES PVBLICA, *Mascard. de probat. concl. 19. num. 8.* SECVRITAS *L. capitalium 28. §. 7. ff. de pœn. Auth. Habita in pr. C. ne filius pro Patre Coler. de Process. Execut. p. 4. c. 1. num. 202.* SALVA GVARDIA *Mysing. cent. 1. observ. 82. Moller. 2. semestr. 2. num. 2.* quæ ultima appellatio cum Salvo Conductu quoad effectum securitatis convenit, differt tamen hoc modo, quod Salva Gvardia nominetur protectio & securitas, quæ minus potentibus, oppositionemve timentibus, contra potentiores a superiori potestate confertur, vel etiam absolute ad suam & suorum bonorum salutem

telam petentibus amicis, vel alioquin charis, aut etiam hostibus certo loco offertur, germanice **Schutz und Schirm**; Salvus Conductus vero dicitur illa Securitas, quæ Delinquentibus, & similibus conceditur, & vulgo denominatur **sicher Geleit**. *Joh. Georg. Becht. disp. de Securit. & Salvo Conductu.*

## Th. III.

Huc & refer cautionem de non offendendo, quæ etiam cum Salvo Conductu convenit, Practicisque maxime & quotidie obvia est, & in fine libellorum adponi solet, hac tamen annotata distinctione, quod cautio de non offendendo exigatur ab Actore contra Reum, Salvus vero Conductus a Judice, & illa contenta sit datis pignoribus, fidejussoribus aut præstita juratoria cautione, *Coler. de process. Exec. p. 4. c. 1. num. 209.* Ille vero nuda Judicis promissione *Hering. de fidejuss. c. 18. n. 49.*

## Th. IV.

Convenientiam porro cum Salvo Conductu habent aliquam Diplomata seu literæ, quibus contra Creditores muniri solent Debitores, & Germanice dicuntur **Eiserne Briefe** *Cbil. König Process. cap. in addit. num. 3.* *Hering. de fide-*

*fidejuss. cap. 5. num. 102.* quarum effectus hic est, ne creditores intra certum tempus e. g. annum, biennium, quinquennium &c. debitum exigant; hinc tales literæ nominantur cautiones moratoriarum *L. 2. C. de prec. Imper. offer.*

Th. V.

Sed ut rem ipsam attingamus, mittimus hic alias appellationes, cum propositum nostrum eo tendat, pro ingenii modulo, & conditione temporis, pauca de Salvo Conductu proferre. Nam licet prædicta genera cum hoc habeant quædam communia, habent tamen etiam quædam specialia *Petr. Prem. de securit. promiss. in fin.* Et cum omnis, uti loquitur Cicero lib. 1. offic. in pr. quæ a ratione suscipitur de re aliqua institutio, debeat a definitione proficisci, ut intelligatur, quid sit id, de quo disputetur, reprehensionem neutiquam incurremus, si principium a Definitione aut aliqua descriptione Salvi Conductus sumamus.

Th. VI.

Salvus Conductus itaque est legitimum præsidium, quod a superiore præstatur alteri, possimum inculpato vel suspecto de Delicto, pro aversione periculi carceris aut alterius offensionis, quam

quam ille iuste & probabiliter timet a Iudice vel Adversario.

Th. VII.

Neutiquam instituti nostri ratio hic patitur, ut hanc Salvi Conductus descriptionem logice per genus, differentiam specificam & alia requisita pertractemus, siquidem nec pagina hæc sufficeret, omnia ea complecti, nec statui-  
mus esse de necessitate ea pluribus verbis allegare, quæ omnibus sunt obvia & cognita; suffi-  
ciat itaque tractationem Salvi Conductus pro  
nunc ita instituere, ut per certas & quidem qua-  
tuor Sectiones demonstramus, quæ circa istum  
ad Praxin & forum notatu digniora reperi-  
untur.

SECTIO PRIMA.

*Quibus Personis competat jus, Sal-  
vum Conductum concedendi.*

Th. IIX.

Cum concessio Salvi Conductus, seu se-  
curitatis concernat jus superioritatis, neu-  
tiquam negare possumus, quod ista concessio



sio præ cæteris competat Imperatori, Regibus  
& Supremis Imperantibus, *Cephal. Conf. 458.*  
*num. 37. L. Divi fratres 27. de pæn. Bald. in lit.*  
*de pace constant. in §. 1. super verbi dispensatio-*  
*nem num. 5. quia isti sunt Domini territorii, &*  
*non dependent ab aliis.*

## Th. IX.

Nec deneganda est concessio Salvi Con-  
ductus in Imperio nostro Romano-Germanico  
Principibus, Comitibus & Nobilibus Imme-  
diatis, & quamvis hi omnes Superiorem agno-  
scant Imperatorem, attamen ratione Regalium,  
quibus gaudent, Delinquentibus Salvum Con-  
ductum concedere possunt, cum Jcti commu-  
niter sic doceant, quod Imperii Principes, Co-  
mites & Nobiles Immediati, qui jura superiora  
& territorialia habent, etiam si alias Imperato-  
rem Superiorem agnoscant, tantum possint in  
suis territoriis quantum ipse Imperator in Impe-  
rio *Bald. l. more ff. de jurisdictione & l. exem-*  
*plo C. de probat. Bald. Consil. 248. incip. queritur*  
*utrum donatio. lib. 1. Paul. Castrenf. Conf. 22. in-*  
*cip. super primo dubio Conf. 34. col. fin. lib. 2. Alex.*  
*conf. 2. num. 9. l. 7. Rol. & Vall. Conf. 26. & Conf.*  
*80. num. 13. lib. 1. & in lib. quest. de lucr. dot. qu. 3.*  
*num. 8.*

num. 8. conf. *Sinoltum cognomento Schüzium. de statu Rei Rom. vol. 1. Exerc. VI. tb. 15. ubi lit. D.* tradit declarationem. Et hoc assertum exinde probatur, quod licet in *l. relegati 4. ff. de pæn. dicatur*, quod nemo possit *commeatum remeatumve dare exuli, nisi Imperator ex aliqua causa*, attamen hæc dispositio respicit tantummodo statum Reip. Romanæ antiquum *Bald. l. relegati num. 4. de pæn.* & contra jus Romanum Principes & Comites Imperii aliquid ordinare possunt *Bald. l. fin. C. quor. appellat. non recipiunt. Paul. Castrenf. Conf. 225. incip. super primo dubio. Felin. cap. 1. num. 2. extr. de Rescript. Dec. c. pastoralis num. 2. vers. imo quod plus est extr. de appellat. Cravett. Conf. 135. num. 2. Roland. a Vall. Conf. 29. num. 26. & Conf. 86. n. 16. lib. 1. Roland. a Vall. in lib. quæst. de lucr. dot. quæst. 3. n. 8. Thom. Gramm. Consiliorum civilium Conf. 103. num. 3.*

Th. X.

Gaudent porro hac concessione Salvi Conductus & quilibet Magistratus, qui habent superiorem jurisdictionem vulgi die *Oberz Gerichte*. Regula enim communis est, quod data jurisdictione, intelligantur & ea concessa, sine

sine quibus commode illa explicari nequit; non vero absque concessione Salvi Conductus hæc jurisdictio explicari commode potest, ratio, quia nemo facile absque Securitate ad locum non tutum accedit, sed se potius loci non tuti exceptione tuetur *c. accedens extr. ut lit. non contest. cap. statutum vers. cum vero de Rescript. in 6.* Est porro hæc securitas seu Salvus Conductus pars jurisdictonis criminalis, et gehöret zum Ober-Gerichten Treutler. vol. 1. disp. 5. th. 6. lit. d. VVesenb. Conf. 33. num. 19. Schönborner lib. 5. Polit. cap. 25. Omnibus igitur, quibus hæc superior jurisdictio concessa, liberum est absentibus, qui apud eos aut accusantur, aut ratione publici criminis deferuntur, promittere securitatem & Salvum Conductum dare. Petr. Prem. de securit. promiss. qu. 1. Borcholt. p. 2. conf. 18. vers. deinde etiam, & vers. deinde quoque.

Th. XI.

Extenditur tandem Salvi Conductus concessio etiam ad Judices inferiores, qui ex consuetudine & per actus continuos & eos quietos tale jus acquisiverunt. Job. de Platea in l. fin. in 2. col. post princ. C. de Erogat. militar. annon.

B

quia

quia consuetudines vim habent privilegii & constituti alias ab Imperatore concessi *Jason. in i. quo minus num. 40. ff. de flumin.* Quod enim Princeps vi præeminentiae & superioritatis Civitatis, Magistratui aut aliis ex signo gratiae concedit, hoc per consuetudinem etiam impetrari potest *arg. l. hoc jure §. ductus aquae ff. de aqu. quot. & astivo. & l. usum aquae in pr. C. de aquae ductu juncta l. viros C. de divers. offic. & Bald. in Cons. 64.* dicit, quod per immemorabile tempus Regalia & alia jura præscribi possint.

## SECTIO SECVNDA.

*Quibus Personis detur Salvus Conductus, quomodo detur, & in quibus causis?*

Th. XII.

Consideratis igitur Personis, quæ Salvum Conductum dare possunt, pergimus nunc ad eas Personas, quibus Salvus Conductus datur; est alias Regula, quod qui habet ordinarium remedium, opus non habeat extraordinario, hinc omnibus istis concedi debet Salvus Conductus, qui

qui alias & per aliud remedium ordinarium de-  
 fensionem consequi & per eam veritatem & in-  
 nocentiam demonstrare non possunt, siquidem  
 per Procuratorem comparere possunt *Felinus*  
*in c. accedens num. 5. ut lit. non contest. Menoch.*  
*de arbitr. Jud. qq. cas. 81. num. 8. & 80. Prosp.*  
*Farin. qu. Crim. 29. num. 87. Coler. de Process.*  
*Exec. p. 4. c. 1. n. 237. & seqq.* certe tales non opus  
 habent Salvo Conductu, ratio est in promptu,  
 quia nulla adest causa, cur iudex ipsi debeat præ-  
 stare securitatem, qui alias per Personam Pro-  
 curatoris causam tractare potest *l. sed etsi per Pre-*  
*torem 26. §. 1. ff. ex qb. caus. Major. c. cum olim*  
*34. extr. de Test.* Cessante enim causa cessat  
 Effectus. Conceditur autem Salvus Conductus  
 omnibus istis, qui de jure non sunt tuti, & quidem  
 suspectis (1) Homicidis, (2) Adulteris, (3) Ra-  
 ptoribus Virginum *Petr. Prem. de secur. promiss.*  
*q. 2. & qu. 7.* qui periculum timent injuriæ, idem  
*qu. 2. Treutler. Vol. 1. disp. 5. th. 6. lit. d. Gviliel.*  
*de Cuneo de Secur. num. 4. & seq. Coler. de pro-*  
*cess. exec. p. 4. c. 1. n. 208. aliisque pluribus.*

## Th. XIII.

Datur vero Salvus Conductus non ipsis  
 Principalibus tantum, sed & qui sunt in eorum  
 B 2 comi-

comitatu, puta qui cum ipsis sunt in societate, ut si Maritus impetraverit Salvum Conductum pro se una cum viginti equis & totidem personis & rebus suis, ipseque solum mittat uxorem cum sociis ac bonis, Maritus vero maneat domi, neutiquam offendi debet uxor, quippe quæ erit tuta sub isto Salvo Conductu seu securitate Marito promissa *Prosp. Farin. qu. Crim. 29. num. 50. & 52. Schrad. de Feud. p. 9. c. 3. num. 5. Petr. Prem. de securit. prom. qu. 6. Menoch. de arbitr. jud. qq. cas. 336. n. 7.* Vxor enim & Maritus unum sunt corpus c. admonere 8. caus. 33. qu. 2. Et Vxor gaudet alias privilegio Mariti l. 1. C. de Vxor. Milit. arg. l. ne ad diversa 4. C. de Silentariis.

## Th. XIV.

Qui Salvus Conductus extenditur etiam ad impetrantis familiam. *Menoch. de arbitr. jud. qq. cas. 336. n. 8. & seq. Prosp. Farin. qu. Crimin. 29. num. 51. Schneid. ad §. item qui Reipubl. caus. 2. §. de excusat. tut. n. 4. arg. l. 4. C. de dignit. l. fin. C. de Profess. & Med.* Habitatio alicui relicta, etiam intelligitur relicta pro ejus familia §. *item is, qui adium 2. Inst. de usu & habitat. l. 2. §. 1. & l. seq. ff. eod. l. penult. ff. de precar.*

## Th. XV.

## Th. XV.

Supra diximus, quod Salvus Conductus etiam detur ipsis, qui sunt in societate, qua occasione oritur quaestio, an sub ista societate etiam comprehendantur Judæi? Novimus enim a Canonibus nimiam familiaritatem & strictam conversationem cum Judæis esse prohibitam *c. saepe 12. caus. 28. q. 1. c. nulli extr. de Judæis*, sed respondemus, quod quidem nimia familiaritas & conversatio cum Judæis sit interdicta, sed non societas & participatio, quia in humanis nobiscum participant, & habent ea, quæ sunt Civium Romanorum, modo in illa regione, ubi salvus conductus datus, Judæi tolerantur, *l. Judæi 8. & l. quicumque 10. C. de Judæis. Prosp. Farin. qu. Crim. 29. num. 47. & seqq. Boer. Decis. 179. num. 6. Hippol. de Marfil. Sing. 180. num. 4. & Sing. 540. n. 2. Menoch. dict. cas. 336. n. 4.*

## Th. XVI.

A Judice igitur aliis, præsertim inculpatis & suspectis de delicto datur Salvus Conductus, & ejus cautio nuda & simplici promissione fit, ita ut excludantur fidejussores & pignora, ut & juramentorum præstationes *arg. l. sancimus 3. C. de V. S. Hering. de fidejuss. c. 18. num. 49. ca-*

vet enim Iudex aliis, ne offensionem carceris, aut alterius injuriæ cogantur metuere in judicio & aliis locis, per quæ transeundum. Vbi tamen notandum, in Saxonia observari, ut ista cautio facilioris probationis ergo in scriptis fiat, & ad Acta redigatur *Hering. de fidejuss. cap. 18. num. 49. Coler. de Process. execut. p. 4. c. 1. n. 212. per art. 4. & 14. lib. 2. Land: Recht.* ubi uterque ita in praxi observari testatur.

## Th. XVII.

Ita tamen concessio Salvi Conductus intelligenda est, ut securitatem promittat contra violentiam injustam *Mysf. cent. 1. observ. 82. Græven. Conclus. 52. consid. 1. num. 12. & seq. Georg. Schönbörner lib. 5. Politic. c. 25. Bachov. in not. ad Treutl. vol. 1. Disput. 5. tb. 6. verb. non concedendam aut concessam servandam*, quam significationem etiam ostendit formula vulgata: *Wir geleiten dich zu recht / und vor unrechter Gewalt / quo etiam tendit peinliche Hals: Gerichts: Ordnung art. 156. Und soll derselbe zum Rechten und für unrechter Gewalt / und nicht weiter vergleitet werden / sic formulam pronuntiandi refert Zanger, de Except. p. 2. c. 5. num. 8. hanc: Daß Angeflagter noch zur Zeit für*



für ungehorsam nicht zu achten / Es wird ihm aber auf vorhergehende Caution, daß Er des Rechts jederzeit auswarten / und dulden und leiden wolle / was ihm zu recht zuerkannt / seinen vel seiner Freunde / vel seiner angebohrner Vertreter und Defensorn Suchen nach / ein frey sicher Geleit zu recht und vor unrechter Gewalt / so lange bis etwas Peinliches wider ihn erkannt / billich mitgetheilet / und Er ist alsdenn auf alle und jede Gerichte persönlich zu erscheinen / auf die Klage sich einzulassen / und sonstn gebührlichen zu verfahren schuldig / und wird das Jetergeschrey noch zur Zeit eingestellt.  
B. N. W.

## Th. XII.

Oritur hic prima quaestio, an, si citationi non sit expresse clausula inserta Salvi Conductus des freyen sichern Geleits / de crimine suspectus & citatus nihilominus sit tutus, & citatio promissionem securitatis tacite includat? Affirmativam tuentur multi Doctores, praesertim Saxonici, ut Daniel Mollerus lib. 2. semest. cap. 2. num. 2. Petr. Heig. part. 2. qu. 12. n. 38. 39. Zang. de Except. p. 2. c. 5. num. 8. Petr. Prem. de secu-

*securit. promiss. ad fin.* allegantes hanc in rem commune dictum: Die Citation trägt ein sicher Geleit auf dem Rücken mit sich / quibus accedit summus Jctus & Practicorum Princeps Carpvovius in *Pract. Crim. Rerum part. 3. qu. 122. num. 18.* ubi sententiam suam ita exponit: *Quicquid tamen sit in aliis regionibus ac territoriiis, in ditionibus certe Electorum ac Ducum Saxonie, citationem tribuere securitatem citato tuto veniendi & recedendi, idque haftenus observatum fuisse testatur Dan. Moller. l. 2. sem. cap. 2. num. 2.* Adducunt quoque Carpv. & Mollerus duo exempla, ubi Serenissimi Electores Saxonie D. Augustus & D. Christianus I. citatos, qui copiam sui fecerunt in judicio absque impetratione Salvi Conductus expressi, capere & in carcerem conjicere noluerunt. Vnde orta sit ea opinio, quam Antonius Faber inter errores pragmaticorum referre potuisset, aliis examinandum relinquimus, forte in Saxonia ei occasionem præbuere verba des Land: Rechts perperam intellecta, Ein ieglich Mann sey auch Geleits frey / wo Er sein Leib und Blut wagen will / *lib. 2. art. 27. conf. Coler. de proc. execut. part. 4. cap. 1. num. 236.* Sed in hoc loco

non agitur de citatione, per quam aliquis securitatem veniendi & redeundi consequi debeat, & si verba illa prout jacent, generaliter accipere vellemus, statuendum esset, quod omnis delinquens fiducia securitatis posset manere, vel peregre profectus redire, ita ut etiam citra citationem esset tutus, nec in carcerem conjici posset; Latinus interpres ita vertit: *De jure etiam pretium solvere non tenetur a conductus comparatione, cui placet corpus & res committere periculo seu fortuna.* Non jam multis disquiremus, quis juris illius Saxonici sensus sit, hoc certum manet, quod de nostro casu, ceu e contextu patet, plane non loquatur. Præter illum textum non apparet ratio, quid moverit Jctos quosdam Saxonicos, cur citationi tribuerint effectum securitatis seu salvi conductus, nisi errorem eorum inde deducas, quod in illis locis, ubi pactis magistratuum vicinorum conventum est, ut per transmissam citationem subsidialem rogati magistratus extraneis sistere subditos teneantur testes ad examen aut confrontationem, simul placuerit, testes illos evocatos ex alia causa civili vel criminali non detinere captivos, sed illis securitatem præstare, & facultatem

C                      tuto

tuto veniendi & redeundi concedere; quo casu in citatione omnino tacite continetur promissio Salvi Conductus; id vero male applicatur ad nostram questionem, quando delinquens aut de crimine suspectus citatur a magistratu competente, ut se in iudicio sistat & respondeat. Sicuti enim talis citra controversiam statim citatione reali seu apprehensione duci potest in carcerem, & in eo usque ad finem inquisitionis aut accusationis detineri, ita nulla subest causa, cur verbaliter citatus, si securitas ipsi non promittitur, post comparisonem non duci queat in carcerem. Quotidie observari videmus in foris, ut, si quis honoratior valde suspectus est de crimine capitali, & magistratus ope licetorum eum non vult palam per plateas in carcerem ducere, verbali & privata utatur citatione, ut statim veniat citatus in iudicium; interim disponat in viis, per quas ille possit elabi, observatores, qui fugientem persequi, & detinere debeant; quis hic defendere lustinebit, quod talis citatus, si comparet in iudicio, & diluere indicia graviora nequit, salva iustitia incarcerationi non possit? Dum magistratus parcit ejus honori, ne per ora vulgi eum manibus

licto-

hætorum ducat, non facit injuriam, si minori  
ratione ipsum in carcerem compingat; nec in-  
carceratio repugnat nature & fini citationis,  
qua id maxime intenditur, ut citatus veniat  
in judicium, & causam suam proponat; quod  
autem magistratus juri suo, vi cujus valde su-  
spectum in carcerem conjicere valet, per cita-  
tionem renunciet, non facile præconcepta labo-  
rum veniet in mentem, nisi præconcepta labo-  
ret opinione, quod citatio tacite comprehen-  
dat promissionem Salvi Conductus. Si obji-  
cis, discrimen esse inter privatam & publicam  
(edictalem) citationem, ut in illa non conti-  
neatur talis promissio, bene autem in hac: Re-  
spondeo, monstres, quæso, rationem solidam  
hujus discriminis aut textum juris pro hoc mi-  
litantem. Frustra quoque in foris obtineret,  
ut Salvus Conductus magnis sumptibus impe-  
traretur, præstita scilicet cautione fidejussoria  
vel pignoratitia, si citatus ipso jure securitatem  
haberet; tamdiu enim latitare & in fuga per-  
sistere posset, donec ratione criminis capitalis  
edictaliter citaretur, & tunc securitatem citra  
cautionem nancisceretur. Carpzovius *d.l. n. 23.*  
tuetur sententiam, quod magistratus non tenea-  
tur

tur dare Salvum Conductum, si delinquens sal-  
tim ad valorem unius VVerigeldi velit cautio-  
nem præstare, rationem hanc reddit : *talis*  
*fidejussio* ( tam parvi pretii , qualis est valor  
unius VVerigeldi ) *patefacit evidenter fenestras*  
*ad nequitiam , ita ut crimina maneat impuni-*  
*ta contra l. ita vulneratus sr. ff. ad Leg. Aquil.*  
*Quis enim quisso , non mallet incurrere tam ex-*  
*iguam pœnam pecuniariam , quam expectare vel*  
*torturam vel aliam pœnam corporalem arg. l. 10.*  
*§. 2. ff. de pœn.* Sed ratio hæc contra Carpzo-  
vium retorquetur ; si enim ab absente non fa-  
cile accipienda est cautio parvi pretii pro con-  
cessione Salvi Conductus , multo minus statu-  
endum , quod absens absque ulla cautione im-  
petrare debeat Salvum Conductum ex vi solius  
citationis , cum hæc contra valde gravatum  
omitti non debeat. Patefacit sententia Carpzo-  
vii & asseclarum de Salvo Conductu , in cita-  
tione tacite contento , vel maxime fenestras ad  
nequitiam inquisitorum aut accusatorum , qui ,  
ubi deprehendunt , desperatam esse causam suam  
post examen & confrontationem institutam ,  
non sine opprobrio & contemptu judicum aufu-  
gient , & ferme totum processum reddent elu-  
sorium.

forium. Contra, quando statuitur, quod citatio ipso jure non tribuat securitatem, & inquisitus aut accusatus Saluum Conductum per cautionem magni valoris impetrare debeat, ad minimum iste hanc luet poenam suæ malitiæ, ut cautionem illam aufugiens perdat, & judex eam pro suo multo labore lucretur. Qui autem vana fiducia causæ fugam non arripit, & tamen postea contra illum fertur sententia, sentit meritam poenam sui delicti, & sic non tam facile judicium redditur elusorium. Objicis porro: non moror rationes contrarias, aut leges expressas, sufficit probasse observantiam fori per Doctores Saxonicos, qui testantur, non tantum in Electoratu, sed & aliis terris Saxonici illam vigere. Respond. quid in Electoratu Saxonie valeat, aliis judicandum relinquimus (quanvis dubitemus, an teneatur judex valde suspectum de delicto capitali, si citatus se sistit, absque incarceratione dimittere, & an tale quid universaliter observetur, maxime ubi præcessit saltem citatio privata) de aliis terris Ducum Saxonie res non adeo liquida est; audiamus celeberrimum nostrum *Colerum de proc. exc. p. 4. cap. 1. num. 236. Quantumvis*

vulgo dicatur, quamlibet citationem, etiamsi non habeat annexam clausulam publicae fidei & securitatis, ejus esse effectus, ut quasi in dorso secum ferat *Salvum Conductum*, tamen nemini autor esse velim, quod nuda citationi isto casu fidat, cum fragilis sit ista spes, & saepe fallat; & paulo post: Ita, qui confidit nuda jus dicentis citationi absque cautione Securitatis, expectet, quod carceretur & postea ex carcere respondeat allegando causas, ob quas sub fidejussoribus veniat relaxandus, aut aliter proponendo suas defensiones in causa principali. Mibi certe ante annos aliquot illa inconsulta comparitio Nobilis cujusdam, qui alium interfecerat etiam insultatus, post capturam demum adhibito in consilium, multum negotii facessit, priusquam eum ex carceribus liberavi sub praestatione fidejussorum. Extra Saxoniam Brunnem. in tract. ac Process. Inquis. & Accusat. cap. VIII. membr. VI. num. 16. restatur, quod haec sententia (de tacita concessione *Salvi Conductus* sub citatione comprehensa) fundamento destituatur, & possit comparere post audientiam delincri, nisi intelligamus *Salvum Conductum* contra solam violentiam partis lesae. Laudari meretur pietas



tas Electorum Saxoniae D. Augusti & D. Christiani I. quod fidem religiose observare studuerint; falso autem persuasi erant, fidem in citatione tacite fuisse interpositam.

Th. XIX.

Sequitur priorem quaestionem altera; quod, si Reo in citatione liber accessus ein freyer sicherer Zutritt/ fuerit concessus aut promissus, an ipse accessus etiam sit extendendus ad Recessum? Cum certum sit, quod multa in favorem Rei sint introducta, juraque pro ipsis militent, negandum non est, quod, ut Salvus Conductus in se liberum accessum, ita & liberum recessum (germanice sicher Geleit zu und abe/) contineat *Bart. ad l. utimur 5. ff. de sepulch. viol. & ad l. relegatis 4. ff. de poen. in fin. Matth. Stephan. de juridict. lib. 2. part. 1. cap. 7. num. 400. Petr. Prem. de securit. promiss. qu. 6. Speckhan. cent. 1. qu. 1. num. 6. Wesenb. par. C. de satisfand. num. 4. & ad Schneid. J. cod. n. 5. Felin. ad cap. 2. de treuga & pace; quia secure venire non dicitur, cui secure recedere non est permissum Sicbar. de auth. Habita num. 10. C. ne filius pro Patr. & ad l. un. C. de nundin. num. 2. Modest. Digest. vol. 2. cons. 49. num. 55. Prosper. Farin.*

*Farin. qu. crim. 29. num. 53. Coler. de process. execut. p. 4. c. 1. num. 220. idque adeo certum dicit Zangerus de Except. p. 2. cap. 5. num. 17. & seq. ut verba illa qd und zu / quæ a nonnullis in formula pronuntiandi adjiciuntur, superflua reputentur; Et securitas veniendi includit securitatem recedendi Gail. lib. 1. obs. 52. num. 5. imo supervacua esset securitatis petitio, si Reus liberum non haberet recessum, nam potuisset citatus absque illa in judicium venire; Et cum omnes res tendant ad suum effectum, securitas autem negato libero recessu suum effectum non sortiatur, de quo tamen inprimis Citatus sollicitus fuit, omnino statuendum est, quod sub libero accessu contineatur etiam discessus.*

## Th. XX.

Adminiculatur assertioni nostræ, quod promissio securitatis aut concessio Salvi Conductus reputetur pro beneficio Reo concessio, beneficia autem quam plenissime interpretanda sunt, l. 3. ff. de Constit. Princ. & Salvus Conductus in dubio latissime & favorabiliter interpretandus est Prosper. Farinac. qu. Crim. 29. n. 39. & 53. Decius Conf. 11. num. 2. in fin. vers. & quod

quod talis concessio. & num. 3. vers. ex quibus datur intelligi, quia facit ad meliorem facti cognitionem & indagacionem, per quam in apertum profertur, utrum Reus, qui impetrato Salvo Conductu se sistit, & examinatur, posteaque cum testibus confrontatur, nocens sit an innocens; hinc scribit *Modest. Pistor. Conf. 40. num. 56. Vol. 2.* semper assumendam esse eam interpretationem, per quam efficitur, ut securitatis concessio non sit inanis, sed plus afferat commodi.

Th. XXI.

Datur Salvus Conductus; precedente causæ cognitione in omnibus causis tam Civilibus quam Criminalibus. In Civilibus e. g. si Debitor metuit, ne a Iudice instantibus Creditoribus in carcerem (in den Schuld-Thurm) conjiciatur. *Bachov. in not. ad Treutl. vol. 1. disp. 5. th. 6. lit. d. verb. a Magistratu dari.* In Criminalibus vid. *Vmm. in process. disp. 9. th. 2. num. 8. Coler. de process. Exec. p. 4. c. 1. num. 241. Græven. concl. 52. consid. 1. n. 3. Hartm. Hartm. lib. 2. miscell. observ. 22. n. 1. & 2.*

D

SECTI-

## SECTIO TERTIA.

*An Salvus Conductus a Concedente  
sit servandus?*

### §. XXII.

Circa hanc sectionem multi sunt qui negativam, plurimi vero qui affirmativam defendunt sententiam. Qui negativam tuentur, allegant (1.) text. in *Nov. 17. cap. 7. in princ.* & ibi hoc aperte notat *gloss. in verb. neque custodies, & l. 1. §. 2. ff. de dolo.* (2.) dicunt quod Reipublicæ interfit, ne delicta maneat impunita, si vero Salvus Conductus datus servetur, ansa certe præbeatur ad plus delinquendum, (3.) si pravi homines & delinquentes non cito e medio tolluntur, isti non tantum crescunt in malitia, sed alii etiam periculo obijciuntur. (4.) Quod homicidæ, si securitas promissa iterum cessat, in alio loco captivari & accusari possint, frustra autem fiat per plura, quod possit fieri per pauciora. (5.) Quod concessio Salvi Conductus tertio non debeat præjudicari, consequenter datus non servari, omnes enim concessionem ita interpretari debemus, ne vergant in præjudicium

dictum tertii l. 2. §. merito & §. si quis Principe  
ff. ne quid in loc. publ.

Th. XXIII.

Sed hæc allegata argumenta tantum ponderis neutiquam habent, ut affirmativam eamque veriore & accuratiorem sententiam deprimant. Vult enim jus & æquitas, datum Salvum Conductum sancte esse servandum, ut data fides Hostibus *L. conventionum ff. de pact.* Etiam si sint banniti *Alberic. de Rosate l. presenti C. de his qui ad Eccles. confug.* quia securitatem habens nullo modo est inquietandus, molestandus, nec ullam debet experiri injuriam, læsionem, damnum aut periculum. Quod eo extenditur, etiam si Salvus Conductus absque sufficienti causæ cognitione & non servato juris ordine sit datus, attamen hoc non obstante Citato & Reo sancte servandus est *Græven. conclus. 52. in Coroll. consid. 1. num. 9. Borcholt. p. 2. Consil. 18. vers. quin imo. Modest. Pistor. vol. 2. Consil. 49. num. 1. Pruckm. ad §. soluta potest. membr. 2. cap. 4. eff. 5. num. 28.* Ne scilicet quis maneat deceptus sub fide publica, prout hoc tradit *Petrus de Bella pertica, & Cyn. in l.*

*presenti C. de his qui ad Eccles. confug. Bart. in l. is qui reus num. 12. ff. de publ. judic. Et gravius est, aliquem sub fide publica decipere, quam fidem simpliciter fallere Joan. Ignens n. 43. l. 43. §. si ex stipulatu ad SCh. Syll. l. Senatus Consulto in verbo ne Emtori injuriam fecisse videatur Senatus ff. eod. tit. imo grave est, privatam simpliciter fidem fallere l. 1. de constit. pec. Bart. & Alber. de Rosate in l. Conventionum ff. de pact. & securitas a Principe aut alia persona publica Bannito data etiam extra territorium dantis sanctissime servanda. Spectat huc illud vulgatum, quod nemo contra promissionem suam facere debeat, quamvis de jure civili ad ejus observationem non sit obligatus, fides siquidem aut non data aut data servanda est l. 21. §. pen. ff. quod. met. caus. Treutler. vol. 1. Disput. 5. tb. 6. lit. a. Georg Schönborner lib. 5. Politic. c. 25. Hinc Cagnolus ad l. 65. ff. de R. J. n. 21. rectissime scripsit, quandoque contra hostes, inquit, licet uti dolo, solertia & machinatione, modo non frangatur fides data, cum laudabilius sit fidem excessu augere, quam violatione rumper.*

§. XXIV.

Et quis negat promissionem Salvi Conductus transire in speciem conventionis & pactationis? Nihil autem tam congruum est vitæ humanæ, quam ea quæ inter eos placuerunt servare, *l. 1. pr. ff. de pact. l. cum venderem 21. ff. locat. l. non minorem 20. C. de transact. l. iuramentum 7. §. 7. ff. de pact. l. 4. §. 8. de manumiss.* adeo ut etiam ex eo Princeps firmiter obligetur *Coras. 2. miscell. cap. 25. num. 5. Bronch. cent. 1. ass. 11.* Recte inde quisquis sit dixit: Delinquenti securitatem mittere, ac deinde illum punire, prodicionem sapere, nec ullum facile reperiri casum, quo Salvus Conductus promissus non sit a promissore servandus, sed potius firma manet regula: Fidem publicam datam omnibus, quantumvis reprobis & perveris servandam esse. *Bart. ad arth. 17. §. sed neque num. 2. Petrus Premus de securit. promiss. qu. 7. Hart. Hartm. lib. 2. obs. 12. n. 2.* Hoc tamen Delinquentibus ac Citatis semper pro regula esto, ut cautius agant, ac præter securitatem a Iudice seu Citante datam, impetrent etiam Salvum Conductum ab eo, per cujus territorium ipsi transeundum est, tunc etiam magis

cuti ac securi sunt. *Coler. de process. exec. part. 4. c. 1. num. 213. & 216. Græven. concl. 52. in Coroll. consider. 1. num. 3.*

§. XXV.

Hæc quæ hucusque a nobis dicta sunt, etiam obtinent de jure Saxonico, ita ut promissio Salvi Conductus in hisce terris sancte sit habenda & illibata, quod satis confirmat Landr. lib. 2. art. 4. §. Kommen sie denn nicht / ubi dicitur: quod accusatus de homicidio, si petat defensionem suæ innocentie, impetrare debeat pacem: Man soll ihme Friede wûrcken: vel ut communis formula pacis sonat: Man soll ihme Geleit zu recht / und vor unrechter Gewalt geben: convenit cum hoc art. 4. ejusd. libri ibique gloss. verbis: Wer sich aus r. ubi legitur: Wer sich einer Bezüchtigung entreden will / den soll der Richter darzu vergleiten. *Coler. de process. Execut. part. 4. cap. 1. num. 225. Speckh. cent. 1. qu. 1. n. 4. Peinliche Hals- & Gerichts-Ordnung Caroli V. art. 76. & 156.*

Th. XXVI.

Distingvunt Doctores communiter in hac juris materia, utrum generaliter, an specialiter



ter concedatur Salvus Conductus; item utrum determinate, an indeterminate, & has distinctiones ita explicare solent, ut parum convenient aequitati & recte rationi. Postquam enim ex *l. boves 89. §. hoc sermone 1. ff. de V. S.* quam *Tiraguellus* peculiari tractatu illustravit, in Tomo quarto ipsius operum extante, generalem extruxerunt regulam hanc: *Sermonem simpliciter prolatum de primo intelligi, id est, primo atque uno actu consumi, perfici, finire, ita ut amplius locum non habeat, quam statuerunt in omni dispositione & juris materia esse servandam Francisc. Curt. Junior. conf. 132. Jason conf. 36. in causa mota column. ult. versic. ista responsio, hinc factum est, ut eandem ad nostram materiam de Salvo Conductu promiscue applicarent, & contenderent, Salvum Conductum simpliciter & generaliter datum delinquenti sic intelligi, ut hic solum prima vice in iudicium venire & redire tuto possit, secunda vero vice veniens capi & incarcerari queat Menoch. de A. I. C. cas. 336. num. 36. Speckbahn cent. 1. qu. 1. num. 16. Nellus in tractat. de Bannitis p. 3. secundi temporis qu. 17. num. 18. & Farinacius qu. 29. n. 67. magnum DD. numerum hanc in rem allegans;*

id

id aliqui adeo extenderunt, ut (1.) licet Salvus Conductus fuerit concessus, ut durare debeat, donec impetrans causam vel innocentiam suam deduxerit, bis zu Ausführung seiner Sache oder Unschuld / censeatur tamen restringendus solum ad primum terminum, nec attendi debeat, quod delinquens securitatem generaliter & indeterminate a magistratu petierit, es bittet der Supplicant in gemein ein sicher Geleit zu Ausführung seiner Unschuld / & Magistratus ad illam petitionem responderit: Wir geben dir zu Ausführung deiner Unschuld ein Geleit zu Rechte / und vor unrechter Gewalt / *Speckbahn dict. loc. num. 12.* (2.) quamvis in Salvo Conductu fuerit data facultas & potestas semper veniendi & redeundi, hæc tamen dictio, *semper*, non significet perpetuitatem ac continuitatem temporis, sed talem sensum habeat, quod alter semper, id est quolibet tempore, possit prima vice venire & redire; & si venerit secunda vice, salvo jure queat arrestari, & in carcere detineri, vide Doctores citatos a Farinacio *d. l. num. 68. 69.* Causas etiam, cur hanc affirmationem adeo extenderunt, sequentes adferunt, quoniam iudex, qui dedit Salvum Conductum, est

est optimus verborum suorum interpres, & ubi tempus non est determinatum, id relictum censetur definitioni iudicis juxta *l. 1. §. 2. de jur. delib.* deinde, cum cautio securitatis concernat interesse partium, præcipue in criminalibus, non adeo præjudicare debet accusatori, qui longius & diutius ab accusato non est circumducendus. Ex quibus rationibus *Speckbahn. c. l. num. 13.* concludit, recte igitur dicimus, *Salvum Conductum in genere & indeterminate datum, citra præjudicium partis exaudiendum, & ita restringendum esse, ut primum solum terminum, & non etiam totam instantiam comprehendat.* Vnde non mirari debemus, quod, licet alias specialia sub generalibus contineantur *l. 147. de Regul. Jur.* nihilominus tamen juxta illam Doctorum opinionem specialis Salvus Conductus latius patere & plus complecti debeat quam generalis; dicunt enim, si generalis datus est, quod possit impetrans solum quolibet die juridico comparere & inde recedere, non autem commorari extra diem juridicum in loco judicii, ni velit arre-

E

stari

stari & in carcere detineri; cum in speciali consequatur Reus plenam securitatem, ut per totum tempus litis durantis liceat ipsi in loco iudicii apud suos commorari, & deliberare cum amicis & cognatis suis super defensione suæ innocentiae *Carpz. Crim. qu. 112. num. 10. 11. 20. & seqq.*

## Th. XXVII.

Enimvero non negamus quidem, quod in illis locis, ubi talis sensus vocum: generalis & specialis Salvi Conductus, observantia fori est receptus, Reus impetrans generalem non plus possit prætere, quam ex usu fori continere dicitur, & contra, specialem sibi comparans tantam securitatem consequatur, quantam juxta Doctorum sententiam ambitu suo complectitur (daß / wer ein general sicher Geleit auswürdet / und darinne nicht deutlich enthalten ist / wie weit es sich erstrecken soll / derselbe nicht weiter die Versicherung erhalte / als so viel dasselbe nach der Beschreibung der Rechts: Geleyten in sich begreiffet / hingegen/

gegen / wenn einer ein special sicher Geleit  
erlanget / und gleichfals darinne nicht ste-  
het / wie weit es sich erstrecken solle / der  
Inquisite oder Angeklagte alles dessen sich  
zu erfreuen habe / was sonst ein solches  
besonders Geleit mit sich bringen soll / )  
dubitemus tamen, an ubique & in omnibus  
foris talis sensus sit receptus. Quia enim  
hæc res legibus non est decisa & determina-  
ta, non tantum naturam vocum sequi, sed  
& quid ipsum negotium exigit pro ratione  
circumstantiarum, considerare debemus. Sic  
supra monitum fuit, quod data securitate  
veniendi censeatur simul promissa libertas se-  
cure redeundi, & quidem ut *Grotius de J. B.*  
*& P. lib. 3. cap. 21. §. 16.* dicit, *non ex vi ver-  
bi, sed (ex negotii natura) ut absurdum vite-  
tur, neque enim inutile beneficium esse debet.*  
*Et abitus tutus intelligendus, usque dum (pro-*  
*missarius) eo pervenerit, ubi in tuto sit, unde*  
*Alexandri fides accusata, qui, quibus abitum*  
*indulserat, eos in ipso itinere iussit interfici.*  
Cui conceditur Salvus Conductus ad dedu-  
cendam causam vel innocentiam suam, non

tantum prima vice veniens securitatem ha-  
 beat, sed & secunda, tertia vice, & tamdiu,  
 donec plenius causam vel innocentiam suam  
 pertractaverit. Si vero data opera cunctari &  
 moramnectere vult, potest ipsi præfigi tem-  
 pus, intra quod causam suam licet peragere.  
 Nec enim bona fides permittit, ut eum, qui  
 Salvo Conductu simpliciter impetrato, semel  
 ad nos venit ad perlustranda acta & paran-  
 dam defensionem, si redit ad suos, & ite-  
 rum nos accedit, ut continuet & absolvat  
 defensionis negotium, protinus in carcerem  
 conjiciamus, cum magnus sit favor defen-  
 sionis & probationis, nec tam angustis ter-  
 minis circumscribi debeat. Imo cui datur  
 in genere securitas (Wenn man dem an-  
 dern in seiner Sache ein sicher Geleit ins-  
 gemein verspricht/) in dubio talis intelli-  
 gitur data, quæ sufficiat ad causam suam per-  
 agendam, non ut semel tantum ad nos ve-  
 nire queat. Subscribimus igitur Grotii sen-  
 tentiæ, dum loco citato §. 14. ait: *Jus com-  
 meandi extra inducias privilegium quoddam  
 est. Quare in ejus interpretatione sequen-*  
da

da sunt, quæ de privilegiis traduntur. Est autem hoc privilegium neque tertio noxium, neque danti admodum grave; ideo intra verborum proprietatem laxa magis quam stricta interpretatio admittenda est, eoque magis, si non petenti datum beneficium, sed ultro oblatum sit, multoque magis, si ultra privatam publicam quædam utilitas in negotio vertatur. Addo, maxime tunc pro conservanda securitate laxior interpretatio sumi debet, si titulo oneroso datis fidejussoribus vel pignori- bus magni momenti fuerit impetratus Sal-  
vus Conductus. Aut enim deducit innocen-  
tiam aut non; illo casu meretur extra carce-  
rem respondere & comparare media defen-  
sionis; hoc autem non impune dimittitur,  
quoniam, ubi aufugit ante publicationem  
sententiæ, prodit malam causam perditque  
cautionem fidejussoriam aut pignoratitiam,  
& in apicem producta ejus malitia fugien-  
tem literis (durch Effect-Briefe /) perse-  
qui possumus. Hoc medio melius nocen-  
tes manifestantur, & innocentes a suspicio-  
nibus liberantur. *Tiraquellus* in laudato tra-

Atu tom. IV. operum fol. m. 197. limit. V. nostram propugnat sententiam his verbis: *Quando concessio fit pro certa & determinata causa, verbi gratia, concessa est simpliciter securitas eundi & redeundi pro pace tractanda, tunc non intelligitur pro prima vice tantum, sed & semper durante eo tractatu possit libere ire & redire*, ubi plures pro hac sententia citat Doctores. *Farinacius* quoque *quest. 29. num. 70.* refutat illos, qui statunt, licet in Salvo Conductu fuerit data facultas semper veniendi & redeundi, quod tamen hæc non alium sensum admittat, quam quod semper h. e. omni tempore habere debeat facultatem prima tantum vice tuto veniendi & redeundi, non autem secunda & ulteriori vice. Quid ad rationes in contrarium supra adductas sit respondendum, in discursu præbita occasione dicemus. In tanta Doctorum discrepantia Patroni causarum non sint securi, ut fidant saltem uni sententiæ, suadeant potius clientibus suis, ut curent inferendas expressas clausulas Salvo Conductui, quibus libertas iudici adimitur,



imitur, amplectendi hanc vel contrariam Doctorum sententiam.

Th. XXII.

Salvus Conductus ad certum tempus restrictus, e. g. ad tres menses, expirat lapsso illo tempore, *Carpzov. Crimin. qu. 112. num. 59.* quod censetur esse continuum, & currere de momento in momentum Abb. Panormit. in c. fin. in fine X. de Elect. glossa in Rubr. de divers. & temp. prescript. verb. sed hic notandum Bartol. in l. genere num. 3. de his, qui not. infam. Paris. conf. 37. num. 28. uol. 3. Anton. Bardus de temp. util. & contin. cap. 8. num. 1. Matth. Col. cap. 1. part. 4. num. 200. Speckhahn. cent. 1. qu. 1. num. 16. pariter si conceditur Salvus Conductus, ut tutus solum sit reus die juridico, quo tractatur ejus causa, alio tempore non habebit securitatem. Quando praefectus a Principe constitutus vel vasallus feudo investitus vi jurisdictionis sibi concessae dat Salvum Conductum, non tantum praefectus & vasallus in districtu sibi assignato, sed & Princeps per totum

totum suum territorium præstare debet reum  
securum, quamvis in tali casu consultus sit,  
ab ipso Principe impetrare Salvum Condu-  
ctum Coler, *de proc. execut. cap. 1. part. 4.*  
*num. 214.*

## Th. XXIX.

Si Salvus Conductus non est restri-  
ctus ad certum tempus, sed vel in genere di-  
ctum, quod reus debeat in hac causa habere  
plenam securitatem, vel additum, quod Sal-  
vus Conductus durare debeat usque ad de-  
ductionem causæ (*bis zu Ausführung sei-  
ner Sache/*) quando expirare intelligitur?  
In causa civili, cujus exemplum supra th. XXI.  
adduxi, censetur durare, donec sententia de-  
finitiva in causa lata transferat in rem judica-  
tam. In criminalibus autem & maxime ca-  
pitalibus justitia judicis & concessio Salvi  
Conductus id potissimum spectat, ut factum  
cum omnibus circumstantiis plenius examine-  
tur, & in lucem proferatur, utrum reus sit  
nocens aut innocens; hic igitur spectando  
rectam rationem & æquitatem tamdiu habe-  
bit

bit securitatem, donec sufficienter fuerit auditus; & postea iudex perspecta defensione vel ipse, vel per extraneos JCos pronuntiaverit, reum pro innocente non esse habendum, sed aut poenæ aut torturæ esse subjiendum. Ideo Salvus Conductus in criminalibus plerumque reo concedi solet cum clausula: *bisß so lange etwas Peinliches wider ihn erkannt / Carpzov. Crim. qu. 112. num. 62.* ubi quaeritur, annon etiam in tali casu expectari debeat, donec sententia transierit in rem judicatam? Distinguit Carpzov. *d. l. num. 66. & 68.* inter processum accusatorium & inquisitorium, ut in illo expectari debeat lapsus decendii, in hoc autem Iudex statim atque tenorem sententiæ criminalis cognovit, possit incarcerare reum; Sed in processu etiam accusatorio non fiet reo injuria, (quando sub formula consueta impetravit Salvum Conductum: *bisß etwas Peinliches wider ihn erkannt /*) si iudex cognito sententiæ tenore ipsum protinus in carcerem conjiciat, cum eousque saltem videatur securitas promissa. Et licet ad-

F

huc

huc audiri debeat, secundam aut tertiam defensionem urgendo, antequam torture aut poenæ subdatur, quia tamen Salvus Conductus ei solum datus est, his etiam Primliches wider ihn erkannt / & jam sententia criminale quid decernens adest, expirat Salvus Conductus, & posthac in carcere reus se defendere tenetur. Si sub conditione promissa est securitas, tamdiu durabit hæc, donec contravererit isti e. g. si nihil novi deliquerit impetrans; Quare videmus, hanc clausulam communiter esse literis assecurationis insertam: Wir geben dir Geleit zu recht und vor unrechter Gewalt / doch also / daß du dich hinwieder auch gleichlich verhältst. Greven. *concl.* 52. *consider.* 1. *num.* 6. Speckhahn. *cent.* 1. *quæst.* 1. *num.* 17. si enim concedens sive Princeps sive Respublica sive Judex inferior per nova delicta offenditur, licite Salvus Conductus tollitur, frangenti enim fidem, fides frangatur eidem *l. cum proponas* 21. *C. de pact. L. Julianus* 13. *§. offerri* 8. *ff. de act. emt. l. qui fidem* 36. *ff. de transact.* frustra enim fidem sibi servari postulat, qui

qui ipse fidem servare recusat *c. frustra 75. de R. J. in 6. Petr. Prem. de securit. promiss. qu. 7.*  
*Damhoud. in pr. crim. cap. 26. num. 7.*

## SECTIO QVARTA.

*An Violantes Salvum Conductum  
 poena quadam affici & qua-  
 nam possint?*

Th. XXX.

Cum verum sit juxta præcedentia, quod  
 Salvus Conductus datus ab omnibus sancte  
 & illibate sit servandus, neutiquam hic erit  
 dubitandum, quin transgressores & viola-  
 tores certam & justam incurrant poenam.  
 De genere poenæ & an hic ordinaria an ex-  
 traordinaria habeat locum, Doctores non  
 unam sistent opinionem: Quidam enim  
 violantes securitatem simpliciter Majesta-  
 tis reos existimant, inter quos numerantur  
*Boer. Dec. 179. num. 2. Val. Forster. de suc-  
 cess.*

*cess. ab intest.* lib. 4. cap. 23. num. 23. Matth.  
*Stephan. de jurisdict.* lib. 2. cap. 1. membr. 2.  
 num. 160. & hinc esset poena capitalis: Alii  
 statuunt, quod hic in violatores poena ar-  
 bitraria obtineat, & ad tuendam senten-  
 tiam allegant l. 1. ff. de effract. & expilat. l.  
 hodie 13. ff. de poen. Guido Papæ decis. 418.  
 num. 1. Guil. de Cuneo de secur. num. 33. Me-  
 noch. arb. jud. 99. cas. 336. num. 3. & Petr.  
 Prem. de secur. promiss. quæst. 7. cui senten-  
 tia & nos subscribimus. De jure Saxonico  
 Judices sub poena privationis jurisdictionis  
 & refusione damnorum obstricti sunt Sal-  
 uum Conductum servare Coler. part. 1. de-  
 cis. 108. num. 74. per gloss. fin. Land: Recht.  
 lib. 2. art. 13. & gloss. fin. Weichbild art. 28.  
 & art. 11. in gloss. Quamvis neutiquam sic  
 negandum, de veteri jure Saxonico viola-  
 tores Salvi Conductus morte punitos fu-  
 isse Land: Recht. lib. 2. art. 13. §. Die ei-  
 nen Mann schlagen / in verbis die den Frie-  
 den brechen / den soll man das Haupt  
 abschlagen / sed cum hoc nimis rigorosum  
 multis videretur, Practici cum Colero de

pro-

*process. execut. part. 4. cap. 1. num. 230. Speck-*  
*hahn. art. 1. quest. 2. in fin. Arumæo discurs.*  
*ad aul. bull. 1. th. 18. in fin. mitiorem sen-*  
*tentiam sunt amplexi, ut arbitriariam poe-*  
*nam pro ratione circumstantiarum censerent*  
*esse sumendam.*

## Th. XXXI.

Vnicum adhuc coronidis loco liceat  
 addere : Vtrum fidejussores , qui cautio-  
 nem præstiterunt de judicio sisti , liberen-  
 tur , quando reum post sententiam , crimi-  
 nale quid decernentem , magistratui sistunt,  
 & iste aufugit e carcere ? an denuo & tam-  
 diu sistere teneantur , donec sententia ex-  
 ecutioni fuerit mandata ? Prius affirmat  
*Carpzov. in Prax. Crimin. qu. 112. num. 142.*  
 posterius *Daniel Moller semest. lib. 2. cap. 2.*  
*§. 1. sed distinguendum, utrum præstita so-*  
*lum fuerit cautio de judicio sisti, an simul*  
*quoque judicatum solvi ; illo casu viden-*  
*tur liberari fidejussores, si semel sistunt re-*  
*um carceri arg. l. 89. §. 1. de V. S. maxime*  
 tunc,

tunc, si per fidejussionem suam impetrarunt, ut e carcere reus dimitteretur; dum enim post sententiam criminale quid decernentem effecerunt, ut reus in priorem statum h. e. carcerem reduceretur, censentur suæ promissioni satisfecisse, hoc autem casu non prius liberantur, quam sententia executioni fuerit mandata.

SOLI DEO GLORIA.



V A 115 22 113